

Das

**A** In dem vierdenn  
tag des erste her-  
best monecz w3  
da ei zinstag an  
der achtenden stunde nach  
mitem tag gegen d nacht  
do starbe der hochwürdig  
fürst bischhoff rupertus sa-  
lubunensis auß engelland  
in der vesan gotlieben vñ  
morgnens vmb vesper zeit  
do leütet mā im zu costez  
vnd trüg man in mit zwei-  
en guldinen tüchern in dz  
münster vnd giengend da  
mit alle cardinal patriarche  
erzbischof bischof vn-  
ser herz der künig all geisc-  
lich vnd weltlich fürsten  
prelaten vnd pfaffen vnd



L blat

funst grosse welt bey acht-  
zig grosser prümender ker-  
zen die trügend allt arm-  
mann vnd sungend im ey-  
vigilien vñ ward vergra-  
ben in den chor zu anderen  
bischofen vnd het man jnt  
da kein opffer.

Am andern tag des erste  
herbstmonets do kame vn-  
will in dye von castell vñ  
von arragoni das sy ye mit  
mer zu Costenz sein wöl-  
ten vnd zohe enweg dyta-  
cus der bischoff von kathi-  
nensis Johannes bischoff  
passensis vnd johannes bi-  
schoff pacensis ausser dem  
künigreich von castell vñ  
des bottschafft von castell-  
vnd kamend gen bernang  
vñ gen steckkozen da wue-  
den sy verhefft vnd lagent  
alda vnd kam grosser vn-  
will in die cardinal do an  
einem freytag nach jmbis  
do ward den cardinalē dz  
münster vnd die pfallenez  
beschlossen vnd hettend dz  
collegium auff dem obern  
hof auf der staimin stieg sas-  
sent die cardinal vñid be-  
santent die räte vnd auch  
marggrauen Friderichen